

— Այո, այդ հեշտ կը լիներ, եթէ ամէն մարդ Կարօյի սիրտը եւ զարգացումը կունենար:

Բայց որտեղի՞ց ստացաւ նա այդ զարգացումը, ես այդ մասին ոչինչ չգիտէի: Չգիտէի նաեւ նրա միւս ընկերների՝ Ասլանի եւ Սագօյի, կրթութեան գաղտնիքը: Այդ երիտասարդները իմ աշակերտակիցներն էին, առանց մի բան սովորելու, թողեցին տեր Թողիկի դպրոցը եւ անյայտացան, բայց տարիներից յետոյ յայտնուեցան, բոլորովին փոխառած, բոլորովին այլ մարդ դարձած: Մինչեւ այսօր մի առիթ չէր ներկայացել, որ հարցնէի Ասլանից, թէ ի՞նչ հրաշք էր այդ: Երբ այժմ խնդրեցի նրանից պատմել, նա պատասխանեց.

— Ես մի օր բոլորը կը պատմեմ քեզ, բայց դեռ ժամանակը չէ...

Ոստանայ հովիտը մի երկայնաձեւ ձորադաշտ է, որ սեղմած է Արտոս լեռան գրկում: Ամէն տեղ սփռած են պատմական հին յիշատակարաններ: Իշխանական բերդերի, ամրոցների փշրանքներն են մնացել: Պահպանուել են միայն սրբութեան տաճարները: Կրօնասէր ժողովուրդը առաջինը զոհեց՝ երկրորդը չկորցնելու համար:

Մենք երկար չմնացինք Ոստանայ բերդի ակերակների մօտ: Երբ ձիաները բաւական հանգստացած էին, երբ մենք եւս բաւական կազդուրուած էինք ճանապարհի յոգնածութիւնից, Ասլանը շտապեցրեց, թէ պէտք է ուղի ընկնել: Ես վերջին անգամ հայեացք ձգեցի ակերակների վրայ, վերջին անգամ նայեցի դէպի ծովը: Ինձ թւում էր, թէ հենց այդ րոպեում, նրա պարզ հայելիի մէջ, ես տեսնում էի այն գոյնզգոյն ցոլացմունքները, որ արտափայլում էին, անդրադարձնելով Գագիկի շքեղ դահլիճների գոյնզգոյն ապակիների շողբերը եւ նրա օդաբեր հովանոցների ոսկեզօծ նկարները: Ինձ թւում էր, որ ալիքների մեղմ մեղեդիի մէջ ես լսում էի արծազանքը մի քաղցր նոսրացածութեան, որով Ռշտունեաց գուսանները զոարճացնում էին Վասպուրականի հզօր իշխանի ուրախութեան ժամերը: Սահում են դարեր, անցնում են ժամանակներ: Տեսարանը փոխւում է: Վարդագոյն ապակիների վարդագոյն շողբերի փոխարէն հոսում են արեան վարդագոյն վտակներ: Այլեւս ոսկեզօծ նկարների փայլը չէ, որ վառւում է արեւի ճառագայթների առջեւ, այդ հրդեհի բոցն է, որ լափում է փառքի եւ իշխանութեան բոլոր վայելչութիւնները: Լաց ու կոծ է լսւում... աղմուկը սաստկանում է... կրակի լուսաւորութեան առջեւ նշմարւում է դաշոյնների փայլը... մարդիկ անորոշ ուրոականների նման խլրտում են... ոմանք ընկնում են, ոմանք կանգնում են... դահլիճների կործանող կամարները ծածկում են դիակները... Կրակն ու կոտորածը ոչնչացնում է Ղարա-Մեյիքների յիշատակը... բայց մի կին, մի երեխայ կուրծքին սեղմած, դուրս է սողում կրակի միջից եւ թաքչում է մերձակայ անտառում... Յետոյ